

二十

第四三册
博物彙編
藝術典
醫部

三
一
卷

古今圖書集成

中華書局影印

火行下、瘕之全、欬嗽之全、嘔吐之

卷仲



欽定古今圖書集成博物彙編藝術典

第二百五十七卷目錄

醫部彙考二百三十七

火門二

陳士鏗石室祕錄火證治法 命門之火宜補

方導赤散 安神九 千金地黃丸 珠砂芩歸丸

四黃散 調胃承氣湯 同金九 佐金九

開胃散 龍腦散 桔梗湯 八參湯 歸脾湯

升陽散 龍腦散 地骨皮散 洗心散 萬心湯

大黃散 柴胡升麻湯 三黃丸 白虎湯

正散 芍藥散 九當歸龍薈湯 萬心湯

雪 妙功散 九左歸飲 右歸飲 左君

九 除痰 加減 左歸飲 抽薪飲 左歸

菘豆飲 玉泉煎 雪梨漿 滋陰八味丸

單方

鍼灸

導引

醫案

藝術典第二百五十七卷

醫部彙考二百三十七

火門二

石室祕錄 臣陳士鏗著

火證治法

瘦人多火人盡知之然而火之有餘水之不足也不

補水以鎮陽光又安能去火以消其烈焰哉方用元

參八兩生地四兩熟地天冬麥冬丹皮沙參各三兩

地骨皮白芍各五兩陳皮五錢各為末蜜為丸加桑

葉六兩亦為末同搗為丸每日白滾水送下五錢妙

在元參去浮遊之火而又能調停五臟之陽各品之

藥陰多於陽則陰氣勝於陽氣自然陰勝陽消又何

必石膏知母之紛紛哉雖石膏知母原是去火神劑

不可偏廢然而用之於火騰熱極之初可以救陰水

之熬乾不可用之於火微熱退之後減陽光之轉運

此瘦人之治法如此

瘦人多火定一煎方方用元參一兩麥冬天冬生地

熟地白芍各三錢山茱萸白芥子各二錢丹皮二錢

甘草北五味各五分水煎服此方皆滋陰之藥而又

不凝滯於胃中瘦人常服必無火證之侵矣

引治者病在下而上引之病在上而下引之也如人

虛火沸騰於咽喉口齒間用寒涼之藥入口稍快少

氣存焉火性炎上而穴中正寒忽然得火則水自溫

水溫則火自降同氣相求必歸於窟宅之中矣火既

歸窟宅又何至沸騰於上哉此咽喉口齒之虛火忽

然消亡有不知其然而然之妙此引法之巧者也

飽治者病在上焦則藥宜飽飯後食之也病在上焦

者頭目上之病也用上清丸之類上清丸方世多不

妥吾酌酌更定之凡治上焦之火俱可服蘇葉黃芩

各二兩白芷蔓荊子各五錢桔梗麥冬天門冬各三

兩半夏陳皮薄荷甘草柴胡各一兩各為末水打成

丸每服三錢飽食後服此方妙在清火而不傷中氣

強弱人感中風邪上焦有風火者服之俱妙

抑治者抑之使不旺也或瀉其肺中之火或遏其心

中之焰或止其胃中之氣或平其肝木之盛是也此

胃中之氣有餘必且久變為熱人以爲我能食冷乃氣之有餘也我能消食乃脾之健旺也我能不畏天寒此腎之有餘也誰知胃氣之有餘本之腎水之不足一遇風寒襲之夏暑犯之非變為消渴之證必成爲痿廢之人必須平日用大劑六味地黃丸吞服自然氣餒而火息胃平而熱除也無如世人不信自號曰強不肯多服又托言我不能吞丸藥下咽則吐不聽仁人之語因循不服及至大病則曰快與我用竹葉石膏湯晚矣今立一湯方用熟地五錢麥冬元參山茱萸山藥各三錢丹皮北五味各一錢天花粉八分水煎服此方乃平胃火之聖藥妙在補腎補肺補肝全不純去平胃中州安泰豈有阻滯抑鬱之理自然輓輪有路搬運無虞上不凌鏃肺金下不侵尅脾土旁不關害肝木一方之中衆美備臻又何患胃火之上騰哉至於胃火既旺或丸藥原有艱難之道世人不知予并發明之蓋人之胃雖是胃土主事其實必得腎水上滋則水道有路糧食搬運而無阻隔之虞今胃火既盛水僅可自救於腎宮又安能上升於咽喉口舌之間况丸藥又是硬物原非易得下咽此所以不肯服非天性不能服也如反胃之病食入反出非明驗歟無腎水之人無食以下喉猶然吐出蓋腎中無腎水以潤故耳彼無腎水冲上尚不能入於腎中况又有胃火之盛無腎水之潤者無怪乎到口難嚥也

肝木之盛抑之之法必須和解然和解之中而不用抑之之法則火愈甚木愈旺矣方用白芍五錢炒梔

子三錢當歸二錢白芥柴胡甘草荆芥澤瀉各一錢水煎服此方用柴荆以散肝木之氣更妙用白芍梔子以清肝木之火火去而木衰此善於抑之者也腎中之水有火則安無火則泛倘人過於入房則水去而火亦去久之水虛而火亦虛水無可藏之地則必上泛而爲痰矣治之法欲抑水之下降必先使火之下溫法當仍以補水之中而用大熱之藥使水足以制火而火足以生水則水火有相得之美也方用熟地三兩山茱萸茯苓各一兩北五味子一錢牛膝肉桂各三錢水煎服一劑而痰即下行二劑而痰消無跡矣蓋肉桂乃補腎中火之聖藥倘止用之以溫命門水亦可以下降然而不補其腎宮之水則腎宮匱乏水歸而房舍空虛難以存活仍然上泛故必用補水以補火也方中熟地山黃純是補水之藥而牛膝又是引下之絕品水有火之溫又有水之養又有引導之使然而無泛上之理也

火治者治火之有餘也火證甚多惟陽明一經最難治知治陽明之法則五臟之火各腑之火無難專治矣陽明本胃土也如何有火此火乃生於心包心包之火乃相火也君火失權則心包欺之以自逞其炎赫之勢是必以辛涼大寒之品大劑投之恣其快飲斯火得寒而少息熱得涼而略停然必添入健胃之藥始可奏功蓋胃火之沸騰終由於腎氣之不足去胃火必須補胃土然而徒補胃土而不去水濕之痰亦不得也方用石膏一兩或二兩或三兩看火勢之盛衰用石膏之多寡人參知母各三錢麥冬五錢甘草一錢糯米一合竹葉百片水煎服方則人參竹葉

石膏湯也胃火之盛非此湯不能平還問其人必大渴飲水見其有汗如雨者始可放膽用之否則不可輕用蓋無汗而渴亦有似此證者不可不辯也此方純是降胃火之藥所以急救先天之腎水也此證一日不治即熬乾腎水而致不救故不得已用此霸道之藥也倘無汗而渴明是腎火有餘而腎水不足又烏可復用石膏湯以重傷其腎水乎然則又當何方以治之用熟地三兩山茱萸麥冬各二兩北五味三錢元參一兩此方乃治似白虎證而非胃火之熱者人更宜知之也其餘心火用黃連肝火用梔子肺火用黃芩前言悉之矣茲不再贅陽明之火雖起於心包實成於肝木之尅之也肝木旺則木中有火不特木來尅土而轉來助焰肝木之火半是雷火一發則震地轟天陽明得心包之火而沸騰又借肝木龍雷之火以震動如何可以止遏故輕則大渴重則發狂也予治此證往往白芍加至數兩先用石膏湯以去火隨加白芍以生木木平而火無以助焰自然胃火孤立無援又加麥冬以平肺金之氣則金有水潤不必取給於胃土而胃土可以自救况又有石膏知母之降火哉此狂之所以定而熱之所以除也方用石膏麥冬各一兩知母半夏各三錢甘草一錢竹葉一百片糯米一合先煎湯四碗又加白芍二兩同煎此方之妙不在石膏知母之降胃火妙在白芍之平肝木使木氣有養不來尅土并不使木鬱生火以助胃火也又妙在麥冬以清肺金使金中有水胃火難炎且去制肝無令尅土也

一方治各經之火梔子丹皮元參各三錢白芍五錢



甘草一錢水煎服心火加黃連一錢肺火加黃芩一錢胃火加石膏三錢腎火加知母黃蘗各一錢大腸火加地榆一錢小腸火加麥冬天冬各三錢膀胱火加澤瀉三錢何以獨治肝經也蓋肝屬木木易生火故治火者首治肝肝火一散而諸經之火俱散所以加一味去火之藥即可去各經之火也

命門之火宜補不宜瀉

命門為十二官之主內經已詳言之余再取而尚論者蓋命門之經雖彰而命門之旨尚晦也命門既為十二經之主而所主者何主也人非火不能生活有此火而後十二經始得其生化之機命門者先天之火也此火無形而居於水之中天下有形之火水之所尅無形之火水之所生火尅於水者有形之水也火生於水者無形之水也然而無形之火偏能生無形之水故火不藏於火而轉藏於水也命門之火陽火也一陽陷於二陰之間者也人先生命門而後生心其可專重夫心乎心得命門而神明有主始可以應物肝得命門而謀慮膽得命門而決斷胃得命門而能受納脾得命門而能轉輸肺得命門而治節大腸得命門而傳導小腸得命門而布化腎得命門而作強三焦得命門而決瀆膀胱得命門而收藏無不借命門之火以溫養之也此火宜補而不宜瀉宜於水中以補火尤宜於火中以補水使火生於水而還以藏於水也倘日用寒涼以伐之則命門之火微又何能生養十二經耶此內經所謂主不明則十二官危非重言命門歟

方

導赤散

治小腸火熱

生地黃 木通 甘草各等分

右同為末每服三錢水一盞入竹葉七片同煎至五分食後溫服一本用黃芩不用甘草

安神丸

治心脾火熱驚悸

麥冬焙 馬牙硝 白茯苓 山藥 寒水石研 甘草各半兩 硃砂一兩研 龍腦一字研

右為細末煉蜜為丸如雞頭實大每服半丸沙糖水化下無時

千金地黃丸

治心熱

黃連四兩為末 生地黃半斤研取汁連香拌黃連末和勻曬乾用

右再為細末煉蜜丸桐子大門冬湯下三十九

門冬丸

治心經有熱

麥門冬去心一兩 黃連半兩

右為細末煉蜜丸如桐子大食後熟水下三十九

清心丸

治熱

黃蘗二兩生 麥冬 黃連各一兩 龍腦一錢

右為末煉蜜丸如桐子大每服十九臨臥門冬湯下或薄荷湯亦得

黃連清膈丸

治心肺間有熱及經中熱

麥門冬去心一兩 黃連去蘆五錢 黃芩三錢

右為細末煉蜜丸如菜豆大每服三十九溫水送下無時

硃砂涼膈丸

治上焦虛熱肺脘膈有氣如烟槍上

黃連 山梔子各一兩 人參 茯苓各五錢 硃砂三錢另研 腦麝五分另研

右為細末煉蜜丸如梧子大硃砂為衣熟水送下

五七丸日進三服食後

瀉黃散

治脾經火熱

藿香七錢 山梔一兩 石膏半兩 甘草二兩

防風四兩

右剉同蜜酒微炒香為細末每服二錢水一盞煎清汁飲

清汁飲

調胃承氣湯

泄實火

大黃去皮酒浸四兩 甘草炙二錢 芒硝半升

右三味咬咀以水三升煮取一升去滓內芒硝更上火微煮令沸少少溫服

回金丸

一名左金丸伐肝經火亦審虛實用之

黃連六兩 吳茱萸一兩

右為末粥丸

佐金丸

佐肺金以伐肝木之邪



片本六兩 吳茱萸湯洗三次一兩

右爲末粥丸如桐子大每服三五十丸白木陳皮煎湯下

四順清涼飲子

一名清涼散治前證

大黃蒸 甘草炙 當歸酒洗 芍藥各等分

右咬咀每服五錢用水一盞半薄荷十葉同煎至七分去滓溫服

桔梗湯

桔梗 連翹 山梔子 薄荷 黃芩 甘草各等分

分

右爲粗末竹葉白水煎溫服汗之熱服春倍加防風羌活夏倍加黃芩知母季夏淫雨倍加羌活秋加桂五錢冬加桂一兩亦可以意消息隨證加減而用之

人參瀉肺湯 東垣
人參 黃芩 梔子仁 枳殼炒 薄荷 甘草

治肺經積熱上喘欬嗽胃膈脹滿痰多大便澀

連翹 杏仁去皮尖 桑皮 大黃 桔梗各等分

爲末每服七錢水二盞煎八分食後通口服

龍腦飲子

治蘊積邪熱咽喉腫痛眼赤口瘡心煩鼻衄上中

二焦藥也

藿香葉二兩四錢 石膏四兩 甘草蜜炙六兩

梔子微炒十二兩 砂仁 苦薏仁各三兩

右爲末每服二錢至三錢新汲水入蜜調下

龍腦鷄蘇丸

治上焦熱除煩解勞去肺熱咳衄血熱驚悸脾胃熱口乾吐血肝膽熱泣出口苦腎熱神志不定上而酒毒膈熱消渴下而血滯五淋血崩等疾

薄荷一斤 麥門冬去心二兩 甘草一兩半

生地六兩另末 黃連一兩 黃芪 新蒲黃炒

阿膠炒 人參各二兩 木通 銀柴胡各二兩剉

同木通沸湯浸一日夜絞取汁

右爲細末好蜜二斤先煎一兩沸然後下生地黃末不住手攪時加木通柴胡汁慢火熬膏勿令火

急膏成然後加前藥末和丸如豌豆大每服二十丸白湯下一方無黃連

虛勞虛煩梔子湯下

肺熱黃芩湯下

心熱悸動恍惚人參湯下

肝熱防風湯下

腎熱黃蘗湯下並食後臨臥服

洗心散

治心肺積熱風壅上攻頭目昏痛肩背拘急肢節

煩疼口苦唇焦咽喉腫痛痰涎壅滯涕唾稠粘小

便赤澀大便祕滯

白木一兩半 麻黃 當歸 荆芥穗 芍藥

甘草 大黃各六兩

右爲細末每服二錢水一盞入生薑薄荷少許同煎至七分溫服

瀉心湯 錢氏

治實火

黃連一兩去鬚

右爲極細末每服一字至半錢一錢臨臥溫水調下海藏云易老單方瀉心湯出於此此乃實邪也實則瀉其子

升陽散火湯 東垣

治男子婦人四肢發熱肌筋勞瘁熱骨體中熱發

困熱如瘵捫之烙手此病多因血虛而得之或胃

虛過食冷物抑遏陽氣於脾土久鬱則發

生甘草二錢 防風二錢五分 炙甘草三錢

獨活 白芍 羌活 人參各五錢 柴胡八錢

右咬咀每服秤半兩水三大盞煎至一盞去粗稍熱服忌寒涼之物及冷水月餘

地骨皮散

治渾身壯熱脈長而滑陽毒火熾發湯

地骨皮 茯苓各半兩 柴胡 黃芩 生地

知母各一兩 石膏二兩 羌活 麻黃各七錢半

右咬咀每服一兩入薑煎有汗去羌活麻黃

天門冬散

治肺壅腦熱鼻乾大便祕瀉

天門冬去心 桑皮 升麻 大黃 枳殼炒

甘草各八分 荆芥一錢

水二盞煎八分食後溫服

半夏湯

治膽熱精神不守熱泄

半夏麴 黃芩 軍薑炮 遠志去心 茯苓

生地黃 酸棗仁微炒研各八分 黍米一合

長流水二盞煎八分食後溫服

利膈散



治脾肺火熱虛煩上壅咽喉生瘡

鷄蘇葉 荊芥穗 防風 桔梗 甘草 人參

牛蒡子各一兩

右為末每服二錢不拘時沸湯點服咽痛口瘡甚

加殭蠶一兩

地黃煎

治積熱

地黃汁四升三合 茯神 知母 葳蕤各四兩

苦蕒根 生薑汁 鮮地骨皮 生麥門冬汁

白蜜各二升 石膏八兩 竹瀝三合

右咬咀以水一斗零二升先煮諸藥取汁三升去

渣下竹瀝地黃麥冬汁緩火煎四五沸下蜜薑汁

微火煎至出六升初服四合日三服夜一服加至

五七合四五五月作散服之

三黃丸

治丈夫婦人三焦積熱上焦有熱攻衝眼目赤腫

頭項腫痛口舌生瘡中焦有熱心膈煩躁飲食不

美下焦有熱小便赤澀大便祕結五臟俱熱即生

癰癤瘡瘻

黃連 黃芩 大黃各十兩

右為細末煉蜜丸如梧子大每服三十九食後熟

水吞下視臟腑虛實加減小兒積熱亦宜服一方

用腦麝為衣丸如豆大夜間嚙化一二丸亦好

白虎湯

知母六兩 石膏一斤碎 甘草二兩 粳米六合

右四味以水一斗煮米熟湯成去滓溫服一升日

三服

大黃散

治上焦熱而煩不能睡眠

山梔仁 大黃 鬱金各半兩 甘草二錢半

右為末每服五錢水煎溫服微利則已

柴胡升麻湯

生甘草 炙甘草各二錢 柴胡 升麻 葛根

羌活 獨活 人參 白芍各半兩 防風二錢半

右咬咀每服半兩水三大盞煎至一盞去滓稍熱

服忌冷物冰水月餘

火鬱湯

升麻 葛根 白芍 柴胡根各一兩 炙甘草

防風各五錢

右咀咬每服三四錢水二大盞入連鬚葱白三寸

煎去滓稍熱服

本事方

治大人小兒五臟積熱煩躁多渴唇裂喉閉目赤

鼻頰結硬口舌生瘡

山梔仁 甘草 赤芍藥各一兩 大黃 礞石

連翹 薄荷葉 乾葛各二兩

右為散每服二錢水一盞半竹葉七片蜜三匙同

煎至七分去滓食後服

紫雪

療時氣毒遍內外煩熱不解口中生瘡狂易叫走

瘴疫毒瀉卒死溫瘧五尸五疰心腹諸疾疔刺切

痛及解諸熱藥毒邪熱卒黃等并解蠱毒鬼魅野

道熱毒又治小兒驚癇百病

黃金一百兩 石膏 寒水石 磁石 滑石

已上四味各三斤搗碎水一斛煮至四斗去滓入

犀角屑 羚羊角屑 青木香搗碎 沉香搗碎各

五兩 元參洗焙搗碎 升麻各一斤 甘草剉炒

八兩 丁香一兩搗碎

已上八味入前藥汁中再煮取一斗五升去滓入

下項

硝石四升如闕芒硝亦得每升重七兩七錢半

礞石精者十斤

已上二味入前藥汁中微火上煎柳木篋攪不住

手候有七升投在水盆中半日欲凝入下項

麝香當門子一兩二錢半研 硃砂飛研三兩

已上二味入前藥中攪調令勻養之二日右件藥

成霜雪紫色每服一錢或二錢用冷水調下大人

小兒以意加減食後服

神芎丸

一名顯仁丸治一切火熱

大黃 黃芩各二兩 牽牛 滑石各四兩

右為細末滴水為丸如小豆大溫水下十九每服

加十九以利為度日三服冷水下亦得或煉蜜丸

愈佳

當歸龍膽湯

治腎水陰虛風熱蘊積時發驚悸筋惕搖擗神志

不寧榮衛壅滯頭目昏眩肌肉瞶瘵胃膈痞塞咽

隘不利腸胃燥澀小便澀澀筋脈拘急肢體痿弱

暗風癱病

當歸焙 龍膽草 大梔子 黃連 黃蘗



黃芩各一兩 大黃 蘆薈 青黛各半兩

木香一分 麝香半錢別研

右為末煉蜜和丸如小豆大小兒如麻子大生薑湯下每服二十九丸忌發熱諸物兼服防風通聖散

瀉心湯

治風熱壅盛

大黃 當歸 白芍藥 荆芥穗 麻黃去節

甘草各一錢半 白朮三錢半

右作一服水二鍾生薑三片薄荷少許煎至一鍾去滓不拘時溫服

八正散

治火熱壅盛小便祕塞

大黃 瞿麥 蘆薈 車前子 木通 山梔子

生甘草各一錢 滑石二錢

右作一服水二鍾燈心二十莖煎至一鍾不拘時溫服加木香一錢尤佳

芍藥皮丸

治火盛

芍藥 黃芩 丹皮各一兩 當歸 黃連各半兩

右為末滴水為丸如梧桐子大每服三十九丸熱水下食前

大金花丸

治火熱壅盛

黃連 黃蘗 黃芩 大黃各等分

右為末滴水為丸如梧桐子大每服三十九丸新水下加梔子減大黃名梔子金花丸

又方

治心經蓄熱夏至則甚

黃連二兩 木通一兩半

右為末用生薑汁煮糊為丸如梧桐子大每服三十九丸食後用燈心湯下日三服

碧雪

治一切積熱咽喉口舌生瘡心中煩躁致咽閉壅塞及天行時熱發強昏憤

芒硝 礞石 硝石 馬牙硝 青黛 石膏

寒水石水研飛 甘草各等分

右將甘草煎湯二升去滓即入諸藥再煎用柳木棍不住手攪令消鑿得所却入青黛和勻傾入砂盆內候冷結凝成霜研為細末每用少許噙化津嚥不拘時候如覺喉壅閉塞不能吞物者即以小竹筒吹藥入喉中即愈

妙功藏用丸

治熱甚嘔噦不食痿弱難運血溢血洩瀉大小便閉不通或泄利三焦壅滯傳化失常並宜服之

大黃 黃芩 黃連各半兩 川芎 黑牽牛各一兩 官桂去皮三分 防風一分 滑石 木香各二分

右為末滴水為丸如小豆大每服二十九或三十九丸生薑湯下日三服溫水亦得

左歸飲

此壯水之劑也凡命門之陰衰陽勝者宜此方加減主之

熟地二三錢或至一二兩 炙甘草一錢 山藥 枸杞各二錢 茯苓錢半 山萸一二錢 芎藭者

水二鍾煎七分食遠服

如肺熱而煩者加麥冬二錢

心熱而躁者加元參二錢

脾熱而饑者加芍藥二錢

腎熱骨蒸多汗者加地骨皮二錢

血熱妄動者加生地二三錢

陰虛不寧者加女貞子二錢上實下虛者加牛膝二錢以導之

右歸飲

此益火之劑也凡命門之陽衰陰勝者宜此方加減以主之治陰勝格陽真寒假熱等證宜加澤瀉

二錢煎成用涼水浸冷服之尤妙

熟地如前 山藥炒 山茱萸各一錢 枸杞

杜仲薑製各二錢 炙甘草 肉桂各一二錢

製附子一二三錢

水二鍾煎七分食遠溫服

左歸丸

治真陰腎水不足眼花耳聾口燥咽乾津液枯涸等證

熟地八兩 山藥炒 枸杞 山萸 菟絲子製

鹿角膠敲碎炒珠 龜板膠敲碎炒珠各四兩

牛膝酒洗蒸熟三兩勿用者

右先將熟地蒸爛杵膏加煉蜜九桐子大每食前用滾湯或淡鹽湯送下百餘丸

如真陰失守虛火炎上者宜用純陰至靜之劑於

本方去枸杞鹿膠加女貞子麥冬各三兩

如火鑠肺金乾枯多嗽者加百合三兩



如夜熱骨蒸加地骨皮三兩

一陰煎

此治水虧火虛之劑故曰一陰凡腎水真陰虛損而脈證多陽火發熱及陰虛動血等證

甘草一錢 熟地三五錢 生地 芍藥 麥冬

丹參各二錢 牛膝一錢半

水二鍾煎七分食遠溫服

如火盛煩躁者入真龜膠二三錢化服

如汗多煩躁者加五味子十粒

如見微火者加女貞子一二錢

如虛火上浮或吐血或衄血不止者加澤瀉一二錢

茜根二錢或加川續斷以澀之亦妙

加減一陰煎

治證如前而火之甚者宜用此方

生地 芍藥 麥冬各二錢 熟地三五錢

炙甘草五七分 知母 地骨皮各一錢

水二鍾煎服

如煩躁甚便結者加石膏二三錢

如小水熱澀者加梔子一二錢

如火浮於上者加澤瀉一二錢或黃芩一錢

抽薪飲

治諸凡火熾盛而不可補者

黃芩 石斛 木通 梔子炒 黃蘗各一二錢

枳殼 澤瀉各錢半 細甘草三分

水一鍾半煎七分食遠溫服內熱甚者冷服更佳

如熱在經絡肌膚者加連翹天花粉以解之

熱在血分大小腸者加槐蕊黃連以清之

熱在陽明頭面或煩躁便實者加生石膏以降之

熱在下焦小水痛澀者加草龍膽車前以利之

熱在陰分津液不足者加門冬生地芍藥之類以滋之

熱在腸胃便結者加大黃芒硝以通之

從新飲

治三焦火一切內熱漸覺而未甚者先宜清以此劑其甚者宜抽薪飲

陳皮八分 黃芩二錢 麥冬 芍藥 黃蘗

茯苓 丹皮各一錢半

水一鍾半煎七分食遠溫服

清膈煎

治痰因火動氣壅喘滿內熱煩渴等證

陳皮錢半 貝母敲破二三錢 膽星一二錢

海石 木通各二錢 白芥子五七分

水一鍾半煎七分溫服

如火盛痰不降者加重便一小鍾

如熱及下焦小水不利者加梔子一錢半

如熱在上焦頭面紅赤煩渴喜冷者加生石膏二三錢

如痰火上壅而小便利者加澤瀉一二錢

如痰火閉結大便不通而兼脹滿者加大黃數錢

玉女煎

治水虧火盛六脈浮洪滑大少陰不足陽明有餘

煩熱乾渴頭痛牙疼失血等證如神若大便溇泄者乃非所宜

生石膏三五錢 熟地三五錢或一兩 知母 牛膝各錢半 麥冬二錢

水一鍾半煎七分或冷服

如火之極盛者加梔子地骨皮之屬亦可

安胃飲

治胃火上衝呃逆不止

陳皮 山楂 麥芽 木通 澤瀉 黃芩 石斛

水一鍾半煎七分食遠服脈滑實者加石膏

太清飲

治胃火煩熱發斑嘔吐等證可與白虎湯出入酌用

知母 石斛 木通各錢半 生石膏五七錢

水一鍾半煎七分溫服或冷服或加麥門冬

萊豆飲

凡熱毒勞熱諸火極熱不能退者用此最妙

萊豆不拘多寡寬湯煮糜爛

右入鹽少許或蜜亦可待冰冷或厚或稀或湯任意飲食之日或三四次不拘此物性非苦寒不傷脾胃且善於解毒除煩大利小水乃淺易中之最佳最捷者也若火盛口乾不宜厚味但略煮牛熟

清湯冷飲之尤善除煩清火

玉泉煎

一名一六甘露飲治陽明內熱煩渴頭痛二便秘

結溫疫斑黃及熱痰喘嗽等證功倍益元散

生石膏六兩 粉甘草一兩

右為極細末每服一二三錢新汲水或熱湯或人參湯調下加硃砂三錢亦妙



博物彙編藝術典第二百五十七卷醫部 火門

第四四三冊 之〇四葉

雪梨漿

解煩熱除陰火此生津止渴之妙劑也

雪梨用清香甘美而大者削去皮

別用大碗盛清冷甘泉將梨薄切浸於水中少頃

水必甘美但頻飲其水不食其渣退陰火極速也

滋陰八味丸

治陰虛火盛下焦濕熱等證若變丸為湯即名滋

陰八味煎

熟地八兩蒸搗 山藥 山黃肉各四兩 丹皮

茯苓 黃蘗鹽水炒 知母鹽水炒 澤瀉各三兩

右加煉蜜搗丸梧桐子大或空心或午前用滾白

水或淡鹽湯送下百餘丸

化肝煎

治怒氣傷肝因而氣逆動火致為煩熱脅痛脹滿

動血等證

土貝母二三錢 青皮 陳皮 芍藥各二錢

丹皮 梔子炒 澤瀉各錢半

水鍾半煎八分食遠溫服火盛加黃芩一二錢

清化飲

治血熱妄行陰虧諸火不清等證

芍藥 麥冬各二錢 丹皮 茯苓 黃芩

生地各二三錢 石斛一錢

水一鍾半煎七分食遠溫服

如覺骨蒸多汗者加地骨皮一錢半

熱甚而渴或頭痛者加石膏一二三錢

下熱便澀者加木通一二錢或黃蘗梔子皆可隨

證治之

單方

虛熱作渴桃膠如彈丸大含之佳外臺

大熱心悶梔子燒末酒服方寸匕

煩躁熱渴久不止葛根半兩水煎服方聖惠

老人風熱內熱目赤頭痛視不見物石膏三兩竹葉

五十片沙糖一兩粳米三合水三大盞煎石膏竹葉

去查取二盞羹粥入糖食方聖惠

風熱攻手指赤腫麻木甚則攻肩背兩膝遇暑熱則

大便祕牛蒡子三兩新豆豉炒羌活各一兩為末每

服二錢白湯下方本華

膈上煩熱多渴宜利九竅滑石二兩搗水三大盞煎

二盞去查入粳米羹粥食方聖惠

乳石發動煩熱躁渴滑石粉半兩水一盞絞白汁頻

服方聖惠

三焦積熱元參黃連大黃各一兩為末煉蜜丸梧子

大每服三四十九白湯下小兒丸藥米大方丹溪

鍼灸

素問曰肝熱病者小便先黃腹痛多臥身熱熱爭則

狂言及驚脅滿痛手足躁不得安臥庚辛甚甲乙大

汗氣逆則庚辛死刺足厥陰少陽其逆則頭痛員員

脈引衝頭也

心熱病者先不樂數日乃熱熱爭則卒心痛煩悶善

嘔頭痛面赤無汗壬癸甚丙丁大汗氣逆則壬癸死

刺手少陰太陽

脾熱病者先頭重煩痛煩心煩青欲嘔身熱熱爭則

腰痛不可用俛仰腹滿世兩頰痛甲乙甚戊己大汗

氣逆則甲乙死刺足太陰陽明

肺熱病者先漸然厥起毫毛惡風寒舌上黃身熱熱

爭則喘欬痛走胃膈背不得太息頭痛不堪汗出而

寒丙丁甚庚辛大汗氣逆則丙丁死刺手太陰陽明

出血如大豆立已

腎熱病者先腰痛胛痠苦渴數飲身熱熱爭則頭痛

而強筋寒且疲足下熱不欲言其逆則項痛員員痛

澹然戊己甚壬癸大汗氣逆則戊己死刺足少陰太

陽諸汗者至其所勝日汗出也

肝熱病者左頰先赤心熱病者顏先赤脾熱病者鼻

先赤肺熱病者右頰先赤腎熱病者頤先赤病雖未

發見赤色者刺之名曰治未病熱病從部所起者至

期而已其刺之反者三周而已重逆則死諸當汗者

至其所勝日汗大出也

諸治熱病以飲之寒水乃刺之必寒衣之居止寒處

身寒而止也

熱病先胃脅痛手足躁刺足少陽補足太陰病甚者

為五十九刺

熱病始於臂痛者刺手陽明太陰而汗出止

熱病始於頭首者刺項太陽而汗出止

熱病始於足脛者刺足陽明而汗出止

熱病身先重骨痛耳聾好瞑刺足少陰病甚為五十

九刺

熱病先眩冒而熱胃脅滿刺足少陰少陽

太陽之脈色榮頤骨熱病也榮未交日今且得汗待

時而已與厥陰脈爭見者死期不過三日其熱內連



腎少陽之脈色也

少陽之脈色榮頰前熱病也榮未交曰今日且得汗待時而已與少陰脈爭見者死期不過三日

熱病氣穴三椎下間主胃中熱四椎下間主胃中熱五椎下間主肝熱六椎下間主脾熱七椎下間主腎熱

榮在頰也項上三椎陷者中也頰下逆頰為大瘰下牙車為腹滿頰後為脅痛頰上者肩上也

古今醫統曰兩手大熱為骨厥如在火中灸涌泉穴五壯立愈

導引

保生秘要曰諸痛痒瘡瘍皆屬心火常呵以洩其火吸以和其心諸心切勿食穢氣觸我靈夏至夜半後地氣一陰生大熱勿食冷受寒霍亂侵更忌房中事元炁離命門大抵甚暑天善於養心則無秋患時當飲六一燈心湯豆蔻香薷水飽醉勿頂風前慎此則無患矣
手足火燒患處推散想水洗之

醫案

儒門事親曰一叟年六十值徭役煩擾而暴發狂口鼻覺如蟲行兩手爬搔數年不已戴人診其兩手脈皆洪大如絙繩斷之曰口為飛門胃為賁門口者胃之上源也鼻者足陽明經起於鼻交頰之中旁約太陽下循鼻柱交人中環唇下交承漿故其病如是夫徭役煩擾便為火化火乘陽明經故發狂故經言陽明之病登高而歌棄衣而走罵詈不避親疎又况肝主謀膽主決徭役迫遽則財不能支則肝膽謀而膽屢不能決屈無所伸怒無所泄心火熾磚遂乘陽明經然胃本屬土而肝屬木膽為相火火隨木氣而入胃故暴發狂乃命置煨室中涌而汗出如此三次內經曰木鬱則達之火鬱則發之是也又以調胃承氣湯半斤用水五升煎半沸分作三服大下二十行血水與瘀水相雜而下數升取之乃康以通聖散調其後矣

麻先生妻當七月間病臟腑滑泄以去濕降火之藥治之稍愈後腹脹及乳痛狀如吹乳頭重壯熱面如渥丹寒熱往來隘乾嘔逆胃脘痛不能轉側耳鳴食不可下又復瀉余欲瀉其火臟腑已滑數日矣欲以溫劑止利又禁上焦已熱實不得其法使人就諸葛寺禮請戴人戴人未至因檢劉河間方惟益元散正對此證能降火解表止渴利小便定利安神以青黛薄荷末調二升置之枕右使作數次服之夜半遍身出冷汗如洗元覺足冷如冰至此足大煖頭頓輕肌涼痛減嘔定痢止及戴人至余告之已解戴人曰益元固宜此是少陽證也能使人寒熱偏劇他經縱有

寒熱亦不至甚既熱而有痢不欲再下何不以黃連解毒湯服之乃令診脈戴人曰娘子痛來心常欲嘔哭為快否婦曰實欲如此余亦不知所謂戴人曰少陽相火凌燥肺金受屈制無所投告肺主悲但欲慟哭而為快也麻先生曰余家諸親無不敬服脈初洪數有力自服益元散後已平又聞戴人之言始以當歸芍藥以解毒湯中數味服之大瘳矣
李民範目常赤至戊子年火運君火司天其年病目者往往暴盲運火炎烈故也民範是年目大發遂遇戴人以瓜蒂散涌之赤立消不數日又大發其病之來也先以左目內眥赤發牽睛狀如鋪麻左之右次銳眥發亦左之右赤貫瞳子再涌之又退凡五次交亦五次皆涌又刺其手中出血及頭上鼻中皆出血上下中外皆奪方能戰退然不敢觀書及見日張云當候秋涼再攻則愈火方旺而在皮膚雖攻其裏無益秋涼則熱漸入裏方可擒也惟宜暗處閉目以養其神水暗與靜為水明與動為火所以不宜見日也蓋民範因初愈後曾冒暑出門故痛連發不愈如此涌泄之後不可常攻使服鼠黏子以退暑
戴人之女子自出嫁之後日漸瘋癲語如瓮中出此病在中也常熱第三指失笑此心火也約半載日飲冰雪更服涼劑戴人曰惡寒則愈矣其母懼其大寒戴人罵曰汝親也吾用藥如鼓之應桴尚惡涼藥宜乎世俗之謬我也至七月厭冰不飲病日解矣
趙平尚家一男子年二十餘歲病口中氣出臭如發則雖親戚莫肯與對語戴人曰肺金主腥金為火所煉火主焦臭故如是也久則成腐腐者腎也此熱極



則反兼水化也病在上宜涌之先以茶調散涌而去其七分夜用舟車丸濟川散下五七行比且而臭斷嗚呼人有病口臭而終其老者世詛以為肺系偏而與胃相通故臭此妄論也

薛氏醫按曰余素性愛坐觀書久則倦怠必服補中益氣加麥冬五味酒炒黑黃蘗少許方覺精神清安否則夜間少寐足內酸熱若再良久不寐腿內亦然且兼腿內筋似有抽縮意致兩腿左右頻移展轉不安必至倦極方寐此勞傷元氣陰火乘虛下注丁酉五十一歲齒縫中有如物塞作脹不安甚則口舌如有瘡然日晡益甚若睡良久或服前藥始安至辛丑時五十有五晝間齒縫中作脹服補中益氣一劑夜間得寐至壬寅有內艱之變日間雖服前藥夜間齒縫亦脹每至午前諸齒并肢體方得稍健午後仍脹觀此可知血氣日衰治法不同

大尹祝支山因怒頭運時或寒熱日晡熱甚此肝火筋攣氣虛頭運用八珍加柴胡山梔牡丹皮二十餘劑而愈

職坊王用之喘嗽作渴面赤鼻乾余以為脾肺有熱用二陳加芩連山梔桔梗麥門而愈

尚寶劉毅齋怒則太陽作痛用小柴胡加茯苓山梔以清肝火更用六味丸以生腎水後不再發

大司馬許函谷在南銀台時因勞發熱小便自遺或時不利余作肝火陰挺不能約制午前用補中益氣加山藥黃蘗知母午後服地黃丸月餘諸證悉退

寓意草曰吳添官得腹痛之病徹夜叫喊不絕小水全無以芩連湯加元胡索投之始安又因傷食復反

病至二十餘日肌肉瘦削眼胞下陷纔得略寧適遭家難證變壯熱目紅腮腫全似外感有餘之候余知其為激動真火上焚令服六味地黃加知藥三十餘劑其火始退退後遍身瘡癩黃腫腹中急欲得食不能少耐片頃整日哭煩余為勉慰其母曰旬日後腹稍充氣稍固即不哭煩矣服二冬膏而全瘳此極難辨治之證竟得相保不失快哉



欽定古今圖書集成博物彙編藝術典

第二百五十八卷目錄

醫部彙考二百三十八

痰門一

黃帝素問至真要大論 五常政大論 六元正紀大論 氣交變大論

靈樞經論痰診尺篇

張機金匱要略痰飲

孫思邈千金方痰論

朱肱活人書痰飲

嚴用和濟生方痰飲

劉完素六書積飲

張從政儒門事親飲當去水溫補轉劇論 痰吐法

朱震亨心法痰病

格致餘論痰病似祟論

平治會萃痰病吐法

虞搏醫學正傳痰飲論

戴思恭證治要訣停飲伏痰

樓英醫學綱目痰飲

王綸明醫雜著老痰

李梴醫學入門痰分新久 百病兼痰 辨症火熱為因 食酒為因 痰飲有五 虛證

李中梓醫宗必讀痰飲

趙獻可醫貫痰論

藝術典第二百五十八卷

醫部彙考二百三十八

痰門一

黃帝素問

至真要大論

太陰在泉濕淫所勝民病飲積心痛

註 太陰在泉辰戌歲飲積心痛寒濕上乘也

太陰之勝獨勝則濕氣內鬱飲發於中附腫於上

太陰之復濕變乃舉飲發於中

註 此火土相合而淫於歲半以前獨勝者陰濕之氣復勝於歲半以後濕氣在中故內鬱而迫於下

焦飲發於中附腫於上者水邪之從下而中而上也復者謂受所勝之氣勝制鬱極而復發

五常政大論

太陽司天濕氣變物水飲內積

註 太陽司天則太陰濕土在泉故生水濕之病

六元正紀大論

太陰所至為積飲否隔

註 此春病之常也

太陰所至為積滿

註 此夏病之常也

少陰司天之政四之氣民病飲發

註 感濕熱之氣故飲發

土鬱之發民病飲發注下

註 皆感濕土之氣而發

氣交變大論

歲土太過雨濕流行腎水受邪甚則飲發中滿食減

註 在地為土在天為濕故諸甲之歲土運太過雨濕流行飲者脾氣不能轉輸而為痰飲水飲也中滿食減土虛而不能主化也此淫太甚則反虛其本位而自傷故於四季月之十八日土氣得位之時而反變生此病也

靈樞經

論疾診尺篇

尺膚粗如枯魚之鱗者水泆飲也

註 如枯魚之鱗者皮膚起寒粟也寒者水之氣此水邪泆飲於內故寒色見於外也

漢張機金匱要略

痰飲

問曰夫飲有四何謂也師曰有痰飲有懸飲有溢飲有支飲

問曰四飲何以為異師曰其人素盛今瘦水走腸間

漉漉有聲謂之痰飲飲後水流在脅下欬唾引痛謂

之懸飲飲水流行歸於四肢當汗出而不汗出身體

疼重謂之溢飲飲逆倚息氣短不得臥其形如腫謂

之支飲

水在下心下堅築短氣惡水不欲飲水在肺吐涎沫

欲飲水水在脾少氣身重水在肝脅下支滿噎而痛

水在腎心下悸

夫心下有留飲其人背寒冷如掌大

留飲者脅下痛引缺盆欬嗽則輒已

胃中有留飲其人短氣而渴四肢歷節痛脈沉者有

留飲

膈上病痰滿喘咳吐發則寒熱背脊痛腰疼目泣自出



其人振振身劇必有伏飲

夫病人飲水多必暴喘滿凡食少飲多水停心下甚者則悸微者短氣脈雙弦者寒也皆大下後苦虛脈偏弦者飲也

肺飲不弦但苦喘短氣

支飲亦喘而不能臥加短氣其脈平也

病痰飲者當以溫藥和之

心下有痰飲胃脘支滿目眩苓桂木甘湯主之

大短氣有微飲當從小便去之苓桂木甘湯主之腎氣丸亦主之

病者脈伏其人欲自利反快雖利心下續堅滿此為留飲欲去故也甘遂半夏湯主之

脈浮而細滑傷飲

脈弦數有寒飲冬夏難治

脈沉而弦者懸飲內痛

病懸飲者十棗湯主之

病溢飲者當發其汗大青龍湯主之小青龍湯亦主之

膈間支飲其人喘滿心下痞堅面色黧黑其脈沉緊得之數十日醫吐下之不愈未防己湯主之虛者即愈實者三日復發復與不愈者宜未防己湯去石膏加茯苓芒硝湯主之

心下有支飲其人苦冒眩澤瀉湯主之

支飲胃滿者厚朴大黃湯主之

支飲不得息葶藶大棗瀉肺湯主之

嘔家本渴渴者為欲解今反不渴心下有支飲故也小半夏湯主之

腹滿口舌乾燥此腸間有水氣已椒薑黃圓主之卒嘔吐心下痞膈間有水眩悸者半夏加茯苓湯主之

假令瘦人臍下有悸吐涎沫而癩眩此水也五苓散主之

欬家其脈弦為有水十棗湯主之

夫有支飲家欬煩胃中痛者不卒死至一百日或一歲宜十棗湯

久欬數歲其脈弱者可治實大數者死其脈虛者必苦冒其人本有支飲在胃中故也治屬欬家

先嘔却渴者此為欲解先渴却嘔者為水停心下此屬欬家嘔家本渴今反不渴者以心下有支飲故也

此屬支飲

胡桃不可多食令人動痰飲

唐孫思邈千金方

痰論

凡心下有水者築築而悸短氣而恐其人眩而癩先寒即為虛先熱即為實故水在於心其人心下堅築

築短氣惡水而不欲飲水在於肺其人吐涎沫欲飲水水在於脾其人少氣身體盡重水在於肝脅支滿

噎而痛水在於腎心下悸

夫病人卒飲水多必暴喘凡食少飲多水停心下甚

者則悸微者短氣脈雙弦者寒也皆大下後苦虛耳

脈偏弦者飲也肺飲不弦但苦喘短氣支飲亦喘而不能眠加短氣其脈平也留飲形不發作無熱脈微

煩滿不能食脈沉滑者留飲病有留飲者脅下痛引缺盆嗽轉甚其人欬而不得臥引項上痛欬者如

小兒癰瘕狀夫胃中有留飲其人短氣而渴四肢歷節痛其脈沉者有留飲者也心下有留飲其人背寒

冷大如手病人胃息上引此皆有溢飲在胃中者

缺盆滿刀腫有劇時此為氣飲所致也膈上之病

滿喘欬吐發則寒熱背痛惡寒自汗自出其入振振

身劇必有伏飲病人一臂不隨時復轉移在一臂

其脈沉細此非風也必有飲在上隄其脈虛者為微

勞榮衛氣不周故也冬自瘥

十棗湯治病懸飲者若下後不可與也凡上氣汗出

而欬者此為飲也

小青龍湯病溢飲者當發其汗范汪用大青龍湯

宋朱肱活人書

痰飲

中脘有痰亦令人增寒發熱惡風自汗胃膈痞塞有類傷寒但頭不痛項不強為異耳余常見濕痰鬱於項背或麻或強脈浮滑但不浮緊耳

痰飲

飲凡有六即懸飲溢飲支飲痰飲留飲伏飲巢氏載之詳矣龐安常云人身無倒上之痰天下無逆流之水誠哉斯言以此思之入之氣道貴乎順順則津液流通決無痰飲之患調攝失宜氣道閉塞水飲停於

胃腑結而成痰其為病也證狀非一為喘為欬為嘔為泄為眩運心嘈怔忡為損獲寒熱疼痛為腫滿擊

辭為癢閉痞隔未有不由痰飲之所致也診其脈偏弦為飲浮而滑亦為飲也觀夫治飲之法或下或汗

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害

或溫或利此固定法愚者之見溫利之差可以無害



汗下之錯為病不淺矣不若順氣為先分導次之氣順則津液流通痰飲運下自小便中出有病喜吐痰唾服八味丸而作效者亦有意焉王叔和云腎寒多唾蓋腎為水之官腎能攝水腎氣溫和則水液運下腎氣虛寒則邪水溢上其間用山茱萸山藥單取其補附子肉桂取其溫茯苓澤瀉取其利理亦當矣臨病之際又加詳審焉

金劉完素六書

積飲

積飲留飲積蓄而不散也水得燥則消散得濕則不消以為積飲也土濕主否故也

酒性大熱而引飲冷冷與熱凝於胃中不散而成濕故痰作矣甚者宜吐之吐後服五苓甘露勝濕去痰之劑

元張從政儒門事親

飲當去水溫補轉劇論

留飲止證也不過蓄水而已王氏脈經中派之為四痰飲懸飲支飲溢飲千金方又派之為五皆觀病之形狀而定名也今予皆不論此論飲之所得其來有五有憤鬱而得之者有困乏而得之者有思慮而得之者有痛飲而得之者有熱時傷冷而得之者飲證雖多無出於此夫憤鬱而不得伸則肝氣乘脾脾氣不化故為留飲肝主慮久慮而不決則飲氣不行脾主思久思而不已則脾結故亦為留飲人因勞役遠來乘困飲水脾胃力衰因而嗜臥不能布散於脈亦為留飲人飲酒過多腸胃已滿又復增之浮經不及滲泄久久如斯亦為留飲因陰暑津液焦涸喜飲寒

水本欲止渴爽快過多逸而不動亦為留飲人若病飲者豈能出此五者之外乎夫水者陰物也但積水則生濕停酒則生燥久則成痰在左脅者同肥氣在右脅者同息賁上入肺則多嗽下入大腸則為瀉入腎則為涌水濯濯如囊裹漿上下無所故在太陽則為支飲皆由氣逆而得之故濕在上者目黃面浮在下者股膝腫厥在中者支滿痞隔痰逆在陽不去者久則化氣在陰不去者久則成形今之用方者例言飲為寒積皆用濕熱之劑以補之燥之夫寒飲在中反以熱藥從上投之為寒所拒水濕未除反增心火火既不降水反下注其上焦枯其下寒慄內經曰出入廢則神機化滅升降息則氣立孤危詎不信夫况乎留飲下無補法氣方隔塞補則轉增豈知內經所謂留者攻之何後人不師古之甚也且以白木參苓飲者服之尚加閉塞况燔鍼艾火其痞可知前人處五飲九三十餘味其間有礬石巴豆附子烏頭雖是下攻終同燥熱雖亦有寒藥相參力孤無援故今代劉河間依仲景十棗湯製三花神祐丸而加大黃牽牛新得之疾下三五十丸氣流飲去昔有病此者數十年不愈予診之左手脈三部皆微而小右手脈三部皆滑而大微小為寒滑大為燥余以瓜蒂散湧其寒痰數升汗出如沃次以導水禹功去腸胃中燥垢亦數升其人半愈然後以淡劑流其餘蘊以降火之劑開其胃口不踰月而痊夫黃連黃蘗可以清上燥濕黃芪茯苓可以補下滲濕二者可以收後不可以先驅復未盡者可以苦葶藶杏仁桑白皮椒目逐水之藥伏水皆去矣夫治病有先後不可亂投邪未去

時慎不可補也夫邪新去恐反增其氣轉甚於未治之時也昔河內有人病飲醫者斷為脾濕以木香牽牛二味散之下十餘行因給病人復變散為丸又下十餘行復變丸為散又十餘行病人大困睡錢一晝夜既覺腸胃寬闊惟思粥食少許日漸愈雖同斷為濕但補瀉不同其差至此內經曰歲土太過用濕流行腎水受邪甚則飲發中滿太陽司天濕氣變物水飲內蓄中滿不食註云此年太陰在泉濕監於地病之原始地氣生焉少陰司天濕土為四之氣民病飢飢飲發又土鬱之發民病飲發注下附腫身重又太陰所至為積陰否隔又太陰所至積滿又太陰之勝與太陰之復皆云飲發於中以此考之土主濕化不主寒水主寒化不主濕天多澀雨地有積滯皆以為水在內經屬土冰霜凝沍風氣凌淒此水之化也故曰丑未太陰濕土辰戌太陽寒水二化本自不同其病亦異夫濕土太過則飲發於中今人以為脾土不足則軒岐千古之書可從乎不可從乎

痰病

凡人病痰發者其證蓋有五焉一曰風痰二曰熱痰三曰濕痰四曰酒痰五曰沫痰諸痰在於膈上使頭目不能清利涕唾稠黏或欬吐喘滿或時發潮熱可用獨聖散吐之次服加減飲子或搜風丸涼膈散間而服之內經曰所謂流濕潤燥之義也

凡人病痰證有五一日風痰二曰熱痰三曰濕痰四曰酒痰五曰食痰諸痰在胃口上焦毒熏於頭者諸陽之會於首也故令病人頭重目澀涕唾稠黏或欬嗽喘滿時發寒熱可用赤小豆湯吐之吐後各隨其



證而治之可服消風去熱導濕化痰如通聖加半夏導氣之劑豈不妙哉如新暴風痰者形寒飲冷熱痰者火盛制金濕痰者停飲不散可服加減連翹飲子除濕丹無憂散亦有酒痰者解毒三聖丸主之五者食痰可用漢防己丸丹砂選而用之若依法服之決有神效

吐法

痰在胃膈之上大瀉大實非吐安能得出仲景曰大法者宜吐蓋春時陽氣在上人氣與邪氣亦在上故宜吐也瀉吐之藥或丸或散中病即止不必盡劑過則傷人然則四時有急吐者不必直待春時也但仲景言其大法耳今人不得此法遂廢而不行試以名方所記者略數之如仲景傷寒論中以葱白豆豉湯吐頭痛梔子厚朴湯吐懊憹瓜蒂散吐傷寒六七日因下後腹滿無汗而喘者本事方稀瀉散吐膈實中滿痰嗽失音牙關緊閉如喪神守萬全方以鬱金散吐頭痛眩運頭風惡心普濟方以追風散吐口噤不開不省人事以皂角散吐涎潮總錄方以常山吐瘧孫尚方以三聖散吐狂神驗方吐舌不正內經曰高者越之王冰曰上盛不已奪而吐之仲景曰宿食在上脘者當吐之又如宿飲酒積在上脘者亦當吐之又曰病人手足厥冷兩手脈乍結以客氣在胃中心下滿而煩欲食不能食者知病在胃中當吐之予今用吐法皆是仲景方中瓜蒂散吐傷寒頭痛用葱白豆豉湯以吐雜病頭痛或單瓜蒂散名獨聖加茶末少許以吐痰飲加全蠍稍以吐兩脅肋刺痛濯濯有聲者內經所謂濕在上者以苦吐之其是之謂歟今

人亦有吐者然或中或否或涌而不能出或出而不能止豈知上涌之法名曰擦痰擦之一字自有擒縱卷舒近有醫工吐一婦人半月不止涎至數斗命懸須臾倉惶失計求予解之予煎麝香湯下咽立止或問麝香何以止吐予謂之曰瓜苗開麝即死今吐藥瓜蒂所以立解也如藜蘆吐不止者解以葱白湯石藥吐不止者解以甘草黃芩湯惟草木吐者解以麝香考之本草吐藥之苦寒者有豆豉瓜蒂茶葉梔子黃連苦參大黃辛苦而寒者有鬱金常山藜蘆甘草而寒者有地黃汁苦而溫者有木香遠志厚朴辛苦而溫者有薄荷芫花辛而溫者有穀精草葱根鬚辛而寒者有輕粉辛甘而溫者有烏頭附子尖酸而寒者有晉鑾絲鑿薑汁酸而平者有銅絲甘酸而平者有赤小豆酸而溫者有飯粳酸辛而寒者有膽礬酸而寒者有白米飯辛酸而溫者有皂角甚鹹而寒者有食鹽青鹽甘而寒者有牙硝甘而微溫者有參蘆甘辛而熱者有蠟梢凡此三十六味性常山膽礬瓜蒂帶有小毒藜蘆芫花輕粉烏頭尖有毒外二十六味皆吐藥之無毒者各對證擇而用之此法宜先少服不涌漸次加之余之擦痰者以叙股鷄翎探引不出以薑汁投之投之不出再探之且投且探無不出者吐至昏眩頭痛者飲以冰水立解如無冰水新汲水亦可飲壯者一吐而安弱者可三四次吐之庶無損也有吐之次日頓快者有轉甚者蓋吐之傷而未平也俟數日再當涌之如覺渴者新水瓜梨及涼物皆不禁惟禁食飽厚饌乾脯難化之物心火既降中脘沖和陰道必強大禁房勞大憂大怒謹守禁忌不信

浮言真知病證決可吐者然後吐之庶萬全也朱震亨心法

痰病

脈浮當吐入得脈潛卒難開也必費調理大凡治痰用利藥過多致脾氣虛則痰易生而多濕痰用蒼朮白朮熱痰用青黛黃連黃芩食痰用神麴麥芽山楂風痰用南星老痰用海石半夏苦杏仁附五倍子作丸服痰在膈上必用吐法瀉亦不能去風痰多見奇證濕痰多見倦怠軟弱若氣實痰熱結在上者吐難得出痰清者屬寒二陳湯之類膠固稠濁者必用吐熱痰挾風外證為多熱者清之食積者必用攻之兼氣虛者用補氣藥送下痰因火盛逆上者以攻火為先白木黃芩軟石膏之類內傷挾痰必用參芪白朮之屬多用薑汁傳送或加半夏虛甚加竹瀝中氣不足加參朮痰之為物隨氣升降無處不到脾虛者宜補脾氣清中氣以運痰降下二陳湯加白朮之類兼用升麻提起

中焦有痰與食積而生病者胃氣亦賴所養卒不可便攻若攻之盡則虛矣

痰成塊或吐咯不出兼氣鬱者氣濕痰熱者皆難治痰在腸胃間者可下而愈在經絡中非吐不可吐法中就有發散之義焉

假如癩病因驚而得驚則神出舍空則痰生也血氣入在舍而拒其神不能歸焉

血傷必用薑汁傳送黃芩治熱痰假其下火也竹瀝滑痰非薑汁不能行經絡五倍子能治老痰佐他藥

大治頑痰二陳湯一身之痰都治管如要下行加引下藥在上加引上藥

凡用吐藥互升提其氣便吐也如防風山梔川芎桔梗芽茶生薑薑汁之類或用瓜蒂散

凡風痰病必用風痰藥如白附子天麻雄黃牛黃片萃羅蠶猪牙皂角之類

凡人身上中下有塊者多是痰問其平日好食何物吐下後方用藥

許學士用蒼朮治痰成痰囊一邊行極妙痰挾瘀血遂成痰囊

眩暈嘈雜乃火動其痰用二陳湯加山梔子黃連黃芩之類噫氣吞酸此食鬱有熱火氣上動以黃芩為君南星半夏為臣橘紅為使熱多加青黛

痰在脅下非白芥子不能達痰在皮裏膜外非薑汁竹瀝不可導痰在四肢非竹瀝不開痰結核在喉中燥不能出入用化痰藥加鹹藥軟堅之味苦薑杏仁海石桔梗連翹少佐朴硝以薑汁蜜和丸噲服

海粉即海石熱痰能降濕痰能燥結痰能軟頑痰能消可入九子末子不可入煎藥積實瀉痰能衝爛倒壁小胃丹治膈上痰熱風痰濕痰肩膊諸痛能損胃氣食積痰實者用之不宜多參黃丸能消痰

喉中有物咯不出嚥不下此是老痰重者吐之輕者用苦薑輩氣實必用荆瀝

天花粉大能降膈上熱痰痰在膈間使人顛狂或健忘或風痰皆用竹瀝亦能養血與荆瀝同功治稍重能食者用此二味效速穩當二瀝治痰結在皮裏膜外及經絡中痰必佐以薑汁韭汁治血滯不行中焦

有飲自然汁冷吃兩三銀盞必胃中煩躁不寧後愈凡痰之為患為喘咳嘔利眩暈嘈雜怔忡驚悸寒熱痛腫痞隔壅塞或胃脅間輻輳有聲或背心一片常為冰冷四肢痲痺不仁皆痰飲所致善治痰者不治痰而治氣氣順則一身之津液亦隨氣而順矣古方治痰飲用汗吐下溫之法愚見不若以順氣為先分導次之王隱君云痰清白者為寒黃而濁者為熱不知始則清白久則黃濁清白稀飲漬於上黃濁稠凝於下嗽而易出則清而白欬而不能出則黃濁結滯若咯唾日久濕熱所鬱上下凝結皆無清白者甚至帶血血敗則黑痰為關格異病人所不識又清白者氣味淡日久者漸成惡味酸醇腥腥焦苦不一百病多有兼痰者世所不知人身中有結核不痛不紅不作膿痰注也治痰法實脾土燥脾濕是治其本格致餘論

痰病似祟論

血氣者身之神也神既衰乏邪因而入理或有之若血氣兩虧痰客中焦妨礙升降不得運用以致十二官各失其職視聽言動皆有虛妄以邪治之其人必死吁哉冤乎誰任其咎憲幕之子傳兄年十七八時暑月因大勞而渴恣飲梅漿又連得大驚三四次妄言妄見病似邪鬼診其脈兩手皆虛弦而帶沉數予曰數為有熱虛弦是大驚又梅酸之漿鬱於中脘補虛清熱導去痰滯病乃可安遂與人參白朮陳皮茯苓苓連等濃煎湯入竹瀝薑汁與服旬日未效眾皆尤藥之不當余服之知其虛未完與痰之未導也仍與前方入荆瀝又旬日而安外弟歲一日醉飽後亂

言妄語妄見詢之係伊亡兄附體言生前事甚的乃叔在邊叱之曰非邪也乃食腥與酒太過痰所為耳灌鹽湯一大碗吐痰一二升汗因大作困睡一宵而安又金氏婦壯年暑月赴筵歸乃姑詢其坐次失序遂報然自愧因此病言語失倫其中又多問一句曰奴奴不是脈皆數而弦余曰此非邪乃痰病也但與補脾清熱導痰數日當自安其家不信邀數巫者噴水而呪之旬餘而死或問曰病非邪而邪治之何遽至於死余曰暑月赴宴外境蒸熱辛辣適口內境鬱熱而兇舊有積痰加之愧悶其痰與熱何可勝言今乃驚以法尺是驚其神而血不寧也噴以法水是實其體密其膚使汗不得泄也汗不泄則蒸熱內燔血不得寧則陰消而陽不能獨立也不死何俟或曰外臺祕要有禁呪一科庸可廢乎予曰移精變氣乃小術耳可治小病若內有虛邪外有實邪當用正大之法自有成式昭然可考然符水惟膈上熱痰一啣涼水胃熱得之豈不清快亦可取安若內傷而虛與冬令嚴寒符水下咽必冰胃而致害彼鬱熱在上熱邪在表須以汗解卒得清冷膈固密熱何由解必致內攻陰陽離散血氣乖爭去死為近

痰病吐法

吐法兼用芽茶薑水薑汁酢少許苦薑散少許加防風桔梗皆升動其氣便吐也吐法用附子尖桔梗蘆人參蘆瓜蒂藜蘆艾葉芽茶等藥此皆自吐不用手探但藥但湯皆可吐吐法先以布搭膊勒腰於不通風處行此法蘿蔔子



半升搗和以漿水一椀濾去粗入少油與蜜旋至半溫服後以鵝翎探吐凡用鵝翎須以桐油浸却以皂角水洗去肥臘乾用之

又法用蝦帶殼半斤入醬葱薑等料物煮汁先吃蝦後飲汁以翎勾引吐必須緊勒肚腹

痰飲論

內經曰諸氣贖鬱皆屬肺金蓋肺氣鬱則成熱熱盛則生痰丹溪曰自熱成積自積成痰痰挾瘀血遂成窠囊此為痞痛噎膈翻胃之次第也王隱君曰痰證古今未詳方書雖有懸飲雷飲支飲痰飲諸飲之異而莫知其為病之源或頭風目昏眩暈耳鳴或口眼蠕動肩稜耳輪搔痒或四肢遊風腫硬似痛非痛或為齒頰痒痛牙牀浮腫而痛痒不一或噁氣吞酸嘈雜嘔噦或咽隘不利咯之不出嚙之不下色似煤始形如破絮桃膠蛻肉之類或心下如停冰雪心頭冷痛時作或夢寐奇怪鬼魅之狀或足腕疲軟腰背卒痛或四肢骨節煩疼並無常所乃至手麻臂痛狀若挫閃或脊中有掌大一塊如冰之寒痛者或渾身習習如蟲行者或眼沿澀痒口糜舌爛甚為喉閉等證又或遠項結核似癭非癭或胃腹間如有二氣交紐噎塞煩悶有如煙氣上衝頭面烘熱或為失志顛狂中風癱瘓或為勞瘵風痺脚氣之候或心下怔忡驚悸如畏人將捕或喘嗽嘔吐或嘔冷涎綠水黑水甚為肺癆腸毒便膿攣跛其為內外疾病百端皆痰之所致也蓋津液既凝為痰飲而洶湧上焦故口燥隘乾流而下則大小便閉塞面如枯骨毛髮焦乾婦

人則經閉不通小兒則驚癇抽搐治法宜先逐去敗痰然後看虛實調理故製沉香滾痰丸為通治三焦痰飲之要藥也愚竊以其論證固詳不問虛實而一概以峻藥攻之恐未中肯綮也蓋資稟有厚薄病邪有淺深一或失手何以收效故丹溪曰治痰用利藥過多致脾氣虛則痰反易生又曰中焦有食積與痰而生病者胃氣亦賴所養卒不可便攻攻盡則愈虛而病劇夫滾痰丸止可投之於形氣壯實痰積膠固者若體氣虛弱之人決不可輕用

戴思恭證治要訣
停飲伏痰
飲凡有六懸溢支痰留伏痰飲特六飲之一耳人病此而止曰痰飲者蓋停既久未有不為痰多因氣道閉塞津液不通譬如溝渠壅遏積淹停滯則倒流逆上痰濁臭穢無所不有若不疎決溝渠而欲澄治已壅之水而使之清無是理也

凡為喘欬嘔泄眩運心嘈怔忡驚悸寒熱痛腫痞膈壅閉或胃脘間澀澀有聲或背心一片如水冷皆飲之所致如水之壅有痰濁臭穢故善治痰者不治痰而治氣氣順則一身之津液亦隨氣而順矣並宜蘇子降氣湯導痰湯各半貼和煎或小半夏茯苓湯加枳實木香各半錢吞五套丸或以五套丸料依分兩作飲于煎服尤好平居皆無他事只有痰數口或清或堅宜二陳湯小半夏茯苓湯痰多間進青州白丸子和來復丹服來白丸如和以八神來復丹即名青神丸此非特治痰飲尤甚療喘欬嘔吐呃逆翻胃若服藥未效者二生湯加木香半錢若頑涎隨氣逆上

不為藥解當自下部利之宜五膈寬中散加半夏半錢吞破飲丸仍佐以半硫丸恐大便復秘飲利不盡半硫丸當常服若大便先不因藥自利及老人虛人當利其小便宜小半夏茯苓湯改用赤苓而倍之或導痰湯加猪苓半錢
痰飲眩暈及成飲厥者宜別加木香二生湯吞青州白丸子和靈砂丹青金丹或吞養正丹半硫丸痰飲流入四肢令人肩背痠疼兩手軟痺醫誤以為風則非其治宜導痰湯加木香薑黃各半錢
病痰飲而變生諸證不當為諸證牽掣妄言作名且以治飲為先飲消則諸證自愈有卒然昏悶口眼喎斜似中而實非中四肢戰曳身如浮雲似虛而實非虛皆痰飲所為也又有腎虛寒不能攝水致水邪溢上故作痰飲宜八味丸
其人素有痰飲流注肩背作痛宜星香散或導痰湯下五套丸
樓英醫學綱目

痰飲

凡有痰者眼皮及眼下必有烟灰黑色舉目便知不待切脈眼黑而頰赤者熱痰也面大黃色亦熱痰也外證必煩滿膈熱口乾思冷大便秘結小便赤熱久必生風或眩暈耳鳴眼花多虛證治之而用熱藥服久必脈大實發大熱而中風可急下之眼黑而行走呻吟舉動艱難者入骨痰也其證偏體骨節疼痛眼黑而面帶土色四肢痠痺屈伸不便者風濕痰也眼黑而氣短促者驚風痰也左右關脈大者膈中有痰也可吐之怕吐者消息下之凡人背上一條如線而

